



KONNEN DWA OU NAN MACHIN OU

Tout moun ki nan Etazini, *ki gen ladan imigran san papyè*, gen dwa ak pwoteksyon Konstitisyonèl. Ni imigrasyon ni lapolis pap sipoze ou vle fè valwa dwa ou yo. Se nan men ou sa pou fè sa lè ou montre kat Konnen Dwa Ou oswa lè ou di ofisyè a ou ap fè valwa dwa ou yo.

Si ou rete avèk yon machin, ou gen dwa ki pwoteje ou.

Rete machin nan le pli vit ke li posib san danje.

Apre ou sispann, etenn machin nan, limen limyè entèn lan, louveri fenèt la mwayen, epi mete men ou sou volan an.

Fò gen yon rezon pou sispann ou.

Si yon ofisyè lapolis sispann ou, yo fèt pou yo gen sispisyon rezonab ke yon moun nan machin nan fè yon enfraksyon lokal oswa eta oswa yon krim. Si yon ofisyè imigrasyon sispann ou, yo fèt pou yo gen sispisyon rezonab ke yon moun nan machin nan fè yon enfraksyon imigrasyon oswa yon krim federal. Ou ka mande:

- Èske m lib pou m ale?
- Èske ou lapolis/imigrasyon?
- Poukisa ou te sispann mwen?

Si ou ap kondwi, lè yo mande, bay lisans chofè ou, enskripsyon, ak prèk asirans, si ou genyen li.

Si ou pa gen dokiman sa yo, ou ka di ofisyè a ou pa gen yo oswa ke ou ap fè valwa dwa ou pou rete an silans. Nan kèk eta, si ou ap kondwi san yon lisans, sa se yon ofans ki ka mennen arestasyon, kidonk refize bay yon lisans chofè ka lakòz arestasyon. Ofisyè a ka mande lòt pèmasyon idantifikasyon, e ou ka refize bay li.*

Pasaje yo pa bezwen bay idantifikasyon.

An jeneral, si yon ofisyè mande yon pasaje pou idantifikasyon, yo pa bezwen bay li.*

An jeneral, ou pa bezwen bay lòt idantifikasyon.

Si lapolis lokal oswa leta sispann ou, ou ka chwazi pou bay prèk estati imigrasyon legal ou, si ou gen prèk sa a. Si yon ofisyè imigrasyon sispann ou, ou dwe bay prèk estati legal si ou gen estati ak si ou pa yon sitwayen Ameriken. Si ou pa gen estati legal, ou pa dwe bay idantifikasyon etranje.

Si ofisyè a di yo gen yon manda, mande idantifikasyon epi revize manda a.

Manda rechèch: Ofisyè yo ka fouye machin ou si (1) ou bay konsantman, (2) yo gen yon manda rechèch ki prezize machin egzak pou fè rechèch la e manda a siyen pa yon jij (pa yon ofisyè imigrasyon), oswa (3) yo kwè machin ou genyen prèk yon krim.

Manda arestasyon: Si yon ofisyè ICE gen yon manda arestasyon, yo ka arete moun ki nonmen sou manda a. Yon manda arestasyon pa bay ICE pèmasyon pou yo fouye machin ou.

Ou gen dwa pou rete an silans.

Ou ka fè valwa dwa ou pou rete an silans lè ou montre kat Konnen Dwa Ou ou oswa di ofisyè a ou ap fè valwa dwa ou pou rete an silans. Si ou dwe pale, di ou ta renmen pale ak yon avoka anvan ou reponn kesyon.

- Bay sèlman idantifikasyon ou lè lwa a mande ou fè sa.*
- Pa di ofisyè a ki nasyonalite ou ye.
- Pa reponn kesyon.
- Pa siyen papyè.
- Pa pote fo dokiman.
- Pa entèfere fizikman ak rechèch la.

*Pale ak yon avoka lokal sou si wi ou non ak kilè ou dwe prezante idantifikasyon. Pa egzanp, nan pifò eta, ou dwe montre yon lisans chofè si ou gen youn ak si yo sispann ou; ou dwe tou montre idantifikasyon imigrasyon ou a yon ofisyè imigrasyon ki mande li si ou gen estati legal ak pa yon sitwayen Ameriken.